

- **Dötes y düc seis bel enviés/ades ala presentaziun dal liber de ciances y oraziuns nō “Laldun le Signur” con nosc vesco Ivo Muser en sabeda ai 28 de iener, ales 14:30, tla Dlijia de Badia**

Le liber nō é metü adöm da ches 1000 plates sön la basa dal “Gotteslob” nü gnü fora dal 2013. Al tol ete ches 400 ciances, en gran pert ladines, dlungia ales talianes y todesces, spo les oraziuns fundamentales dla Dlijia Catolica, i salms, les litagnes, y ince na bela pert de devoziuns y oraziuns por les funziuns te dlijia y te familia. Da ciafé él ince na pert todescia y taliana con oraziuns fundamentales. Lapró él 12 retrac a corusc fora dles dljies dles ploanies, ilustraziuns astrates, y dic y pinsiers te trei lingac. Le liber ciafarán da cumpré do la presentaziun de Badia, al prisc de 20,00 Euro. Al gnará presenté plü avisa ince ploania por ploania y venü te vigne paisc y ince da ciasa a ciasa.

- **“La jont ladina porti te mio cör” dij la mognan Ancilla Hohenegger** co é stada por 25 agn badessa de Jênn y se confortâ vigne 3 agn do la prozesciun dai ei dla Val Badia. I podun encunté la mognan **Schw. Ancilla en jöbia, ai 26 de iener, ales 19:30 a Oies** te dlijia, olache ara nes baia sora le perié. Düc y dötes é bel enviés/ades da tó pert ala encuntada co é ince na bona preparaziun ala festa de nosc sant Ojöp.



Vita de ploania y de paisc

- **Ofertes** - tal pröm mez ann 2023 **mess gni menades demez** cöstes ofertes:
12.03. patronat ALCI-KVV **16.04.** fonds de solidarietä dal clero
19.03. Kassian Tschiederer-Werk **23.04.** l'Universitè Catolica de Milan
07.04. oferta de Carsema “Misereor” **25.06.** obolo de San Pire
Dötes les atres romagn ala dljia.
- **Placac:** al ven cheri porsones co deida arjigné ca i placac dan dljia (“Schaukasten”). Che co ess enteres y ligreza da fá empara é periés da se lascé adentene pa Helene d'La Costa, ☎ 348 4348537.

Mir bereiten nicht die unverständlichen Bibelstellen Bauchweh, sondern diejenigen, die ich verstehe.

Mark Twain, Schriftsteller

Döt le bun a: Paul Feichter, La Ila * 25.01.1937
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns: cina le dedemesaledema sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ



Ann A

22.01.2023 - 3. domegna ia por l'ann

n. 9

Gejú encündâ le vangelo dal regn y varia tal popul dötes les maraties y les soferonzes. Alleluia.

(aclamaziun dan le Vangelo)

📖 **Is 8, 23b – 9, 3 | 1 Cor 1, 10–13.17 | Mt 4, 12–23**

Podei ciafé coraji y avei endô speranza do n tomp de tema y festide, che él ben öna dles cosses plü beles, sontí endô forza por meterman da nō. Te na gran vijun él le profet Isaia co i fej vire speranza nea ala jont de Sébulon y de Náftali. El dij: “Le popul co vir tal scür, veiga na löm lominosa!” (1^a letöra). Avisâ te cösc raiun, tla Galilea dai pagans, met man Gejú da pordiché l'avent dal regn de Chel Bel Dio: el cherda i fredesc Pire y Andrea y i fredesc Iaco y Jan a jí con el (Vangelo). Sc'i orun azeté le vangelo y vire la fede val debojügn da müde comportamont de vita da lascé stritaries y discordies y da ester “a öna de pensier y sentimont” (2^a letöra).

Dal Vangelo do San Mateo:

¹²Do che Gejú â aldí, ch'an â sciüré Jan te porjun, s'âl retrat tla Galilea. ¹³Al á lascé Názet, por jí a d'abitè a Cafárnaum, co é dlungia le le, tal raiun de Sébulonn y de Náftali. ¹⁴Ciodich'al dea s'ademplí, ci ch'al é gnü dit tres le profet Isaia: ¹⁵La tera de Sébulonn y la tera de Náftali, la strada dal mer, la tera delá dal lórdann, la Galilea pagana: ¹⁶le popul co viea tla scürité á odü na löm lominosa; a chi, co viea tal regn dal'ombria dla mort, ti él aparí na löm. ¹⁷Da danló ennant á Gejú motü man da encündé: Convertísse! Deache le regn dal ci é dampró. ¹⁸Dertan che Gejú passâ dlungia le le de Galilea, ál odü dui fredesc, Scimun, nominé Pire, y so fre André, ai ea der tal sciüré fora la rei te le, ciodich'ai ea pesciadús. ¹⁹Y al ti á dit: Gnide do a me! I fajará fora de os pesciadús de jont. ²⁰Atira ái lascé danló söes reis y ti é jüs do. ²¹Da jí ennant ál odü dui d'atri fredesc, Iaco, le fi de Zebedeus, y so fre Jan; ai ea con so pere Zebedeus te barca y arjigné ca söes reis. Al i á cherdé, ²²y atira ái lascé la barca y so pere y ti é jüs do a Gejú. [...]



Atira ái lascé danló söes reis y ti é jüs do.
Mt 4, 20

📖 *Letöres dla 4. domegna ia por l'ann:*

Sof 2, 3; 3, 12–13 | 1 Cor 1, 26–31 | Mt 5, 1–12a

Edema liturgica dai 22.01. ai 29.01.2023

| | |
|--------------------|--|
| DOM 22. | 3. domegna ia por l'ann DOMEGNA DLA PARORA DE DIO Vinzenz, Walter, Teodolinda |
| 06:30 | gran messa por dōta la ploania s.m. por †† Erlacher, Tomele s.m. por †† d'Laronz <i>oferta por la ploania</i> |
| 10:00 | gran messa a Al Plan |
| Lön 23. | beat Heinrich Seuse, Eugen |
| → 07:45 | s.m. dai scolari s.m. de ringraziament dla fam. Georg y Caroline Rigo, Alnei s.m. por †† Canzio y Marta Obojes, Gorghe |
| Ded 24. | Francesch da Sales, Vera, Arno |
| 07:30 | s.m. a Antermeia |
| Dem 25. | festa dla Converjiun de San Paul, Susanna |
| Jöb 26. | Timoteus y Titus, Paula |
| 07:30 | s.m. a Rina |
| 19:30 | devoziun en onú de Sant'Ojep da Oies |
| Ven 27. | Angela Merici, Iulian, Manfred, Rosalia |
| 07:20 | s.m. a Al Plan |
| Sab 28. | Tomesc d'Aquino, Carlo le Gran, Carolina, Karin |
| 07:30 | s.m. en onú de Sant Ojep y de Santa Maria s.m. por † Matilde Frontull ved. Vollmann, Moradú s.m. por † Hubert Frontull, Casun |
| 18:00 | s.m. prefestia a Al Plan |
| DOM 29. | 4. domegna ia por l'ann Ojöp Freinademetz, Valerio, Gerhard |
| 06:30 | gran messa a Al Plan |
| 09:30 | corona: i periu por i miscionari <i>oferta por la ploania</i> |
| 10:00 | gran messa en onú de Sant Ojöp da Oies por dōta la ploania con introduziun dal liber nō "Laldun le Signur" y Bato de Iaco Schörghuber s.m. d'aniversar por † Lois Pedevilla, Soröa s.m. d'aniversar por † Iaco Burchia, Val s.m. †† Germano y Maria Frontull, Mareo |
| ampola: | por families Pedevilla, Soröa |
| ministronc: | • lönesc y sabeda: Erich y Ivan • domegna: Samuel y Valentina, Rudi y Filip |
| i recordun: | Florian Baldissera † 22.01.2016 Iachin Ellecosta, Falzes † 26.01.2022 |

Speranza nea

I ponsun do:

Nos cristiagn conesciun le discurs dla "sovrانيتé de Chel Bel Dio": mo i se stontun da sontí la forza creativa de söa regnanza. Y empó é liades a cōsta parora de gran aspetatives, dandadöt la speranza te n monn de iustizia y pesc. Samben se damana cōsta speranza da nos en prisc alt. Al ne sozedará nia zonna converjiun y chel ó dí: nia plü damané ci che iu ó, mo aldí ci che le Singur ó; nia plü jí olá che iu ó, mo jí olá che le Signur nes vá danfora.

I periu:

Signur, nosc Dio, nos chiriun en monn nō de iustizia y de pêsc, desche Gejú s'al á lascé sontí. Fá fora de nos stromonc de töa iustizia y de töa pesc. Por Gejú Crist, nosc Signur.

Vesco Wilhelm Egger
"Sonntagsbibel"

I simboi cristiagn cuntés ai mituns (2)

Le len



Le len é simbol de vita y de ressureziun. Pla vita aldel le cresce y le madorí, le florí y le porté frúc. Le len taca pla tera con söes raisc y destira söes rames sö cuntra ci. Vigne persona adora raisc, na familia co ti dá sostegn por podei cresce. D'invern perd le len söes feies, al „mör“, mo d'aisciöda s'endesprel endo a vita nea. Cōsc é en bel simbol por la mort y la ressureziun de Gejú. La crusc de Gejú ven porchel gonot raprezentada con en len, „le len dla vita“. Deache Gejú lieia le ci y la tera, Chel Bel Dio y la jont y scinca vita nea.

Domegna dla Parora de Dio

Chel Bel Dio baia con la jont. Al é entres endō sté porsones co á ascuté la Parora de Dio y co s'a lasce mené da d'era. La Sacra Scritōra é la testimonianza de Dio co baia y dla jont co respogn. La Dlijia, desco comunité dai credenc, ciafa söa vita dala mesa dla Parora y dala mesa dal Pan. Crist e present te söa Dlijia, dantadöt tla zelebraziun dla liturgia. Al baia enstes canch'al ven lit dant te dlijia les sacres scritōres. Chi co lí regularmonter la Sacra Scritōra rōa te n contat personal plü stront con la Parora de Dio. Tal ascuté dontera via y acompagneia fora por i alc y basc dla vita. Olache la vita ven interpretada tal lominus dla Sacra Scritōra, condüjera a l'oraziun.

"Laldun le Signur 2022"

Funziuns en onú de Sant Ujöp Freinademetz sö Oies



La domegna ai 29 de iener festejeia la dljia catolica le **De de sant Ojöp Freinademetz**. I miscionari verbic nes envieia a recordé nosc sant a Oies con cōsc program:

- **sabeda, ai 28 de iener**
ales 20:00: Veia dla festa de sant Ojöp Freinademetz: testimonianzes de fede, musiga, oraziun
- **domegna, ai 29 de iener Festa de sant Ojöp Freinademetz**
ales 16:00: messa solena cun nosc vesco Ivo Muser